

Til minnis

Laugardagur 18.nóvember

Laugardagskaffi, Laugavegi 17, kl.11.00. Umræðuefni:
þingmál vetrarins.

Laugardagur 25.nóvember

Laugardagskaffi, Laugavegi 17, kl.11.00. Hörður
Bergmann kemur og ræðir um hugmyndafræði
Kvennalistans í ljósi umbúðaþjóðfélagsins.

Miðvikudagur 29.nóvember

Umsóknarfrestur um ferð til Montreal rennur út.

Laugardagur 2.desember

Laugardagskaffi, Laugavegi 17, kl.11.00. Helga
Thorberg kemur og ræðir um kvennabanka.

Priðjudagar

Borgarmálfundir, Laugavegi 17, kl.17.00. Félagsfundir
í Reykjanesanga fyrsta priðjudag hvers mánaðar.

Fimmtudagar

Framkvæmdaráðsfundir, Laugavegi 17, kl.17.00.

Skrifstofa Kvennalistans

er á Laugavegi 17, síminn er 91-13725.



FRÉTTABRÉF


7.tbl. 1989 7.árgangur
Útg. Kvennalistinn, Laugavegi 17
s.91-13725
Áb. Sigrún Jónsdóttir

Kristín Jónsdóttir
Melba 28
110 REYKJAVÍK

Vel sóttur og góður landsfundur

Við Kvennalistakonur héldum sjöunda landsfund okkar í Básnum, Ölfusi, dagana 27. - 29.október. Fundinn sóttu um 90 konur úr öllum kjördæmum landsins. Hér á eftir fer fréttatilkynning sem fjölmiðlamönnum var afhent á blaðamannafundi sem við héldum 30.okt.

Á landsfundinum voru miklar umræður um sveitarstjórmarmál með tilliti til kosninganna að vori. Kvennalistakonur eru sammála um brýna nauðsyn þess að konur taki virkan þátt í sveitarstjórnunum. Það er umhugsunar- og áhyggjuefni, hversu margar konur, sem nú sitja í sveitarstjórnunum, hyggjast ekki gefa kost á sér til áframhaldandi starfa á þeim vettvangi samkvæmt nýlegrí könnun Jafnréttisráðs. Urðu miklar umræður um ástæður þessa, sem eru fyrst og fremst mikið vinnuálag kvenna, jafnt innan heimilis sem utan og eru sveitarstjórnarstörfir enn ein viðbótin. Fundartími er einnig slæmur með tilliti til heimilishalds og ennfremur var bent á, að ekki er nóg með að þessi störf eru víðast hvar illa launuð, heldur kosta þau jafnvel bein fjárlát. Sú hugmynd var nokkuð rædd að gera ætti þátttöku í sveitarstjórn að vel launuðu hlutastarfi, sem unnið yrði



í dagvinnutíma. Kvennalistakonur telja að, í næstu sveitarstjórnarkosningum beri að leggja áherslu á dagvistarmál, öldrunarmál, umhverfis- og umferðarmál, svo og atvinnumál með tilliti til kvenna. Nokkrar Kvennalistakonur lýstu reynslu sinni af sveitarstjórnarstörfum, og var það samdóma álit fundarins að sú reynsla sannaði nauðsyn þess að Kvennalistakonur kæmu sem víðast við sögu í sveitarstjórnum landsins. Kvennalistinn hvetur allar konur til að taka virkan þátt í sveitarstjórnum og minnir á að konur verða að sækja styrk og reynslu hver til annarrar. Það er hagur allra að stjórn sveitarfélaga mótið af reynslu og áherslum kvenna.

Á fundinum voru einnig framsöguerindi og líflegar umræður um hagfræði og konur, atvinnumál kvenna, sjávarútvegsmál, Efnahagsbandalag Evrópu (EB) og Fríverslunarbandalagið (EFTA) og dagvistarmál.

Í umræðum um dagvistarmálin kom m.a. fram eindregin andstaða við áform um að flytja yfirstjórn þeirra mála frá menntamálaráðuneytinu til félagsmálaráðuneytisins. Þá var að sjálfsögðu ítrekuð og undirstrikuð þörfin fyrir verulegt áatak til þess að koma dagvistarmálunum í það horf að öll börn eigi kost á öruggu og þroskandi umhverfi í námi og leik.

Niðurstaða umræðna fundarins um málefni EB og EFTA varð sú að aðild að EB kæmi ekki til greina. Sjálfsgagt væri hins vegar að kanna alla möguleika og kosti þess að ganga til einhverra samninga við EB, en jafnframt afar brýnt að fara að öllu með gát og gera öllum aðilum það ljóst, að Íslendingar munu aldrei afsala sér yfirrädum yfir fiskveiðilögsögunni eða öðrum þeim atriðum, sem varða sjálfstæði þjóðarinnar. Ljóst er af nýlegri könnun Félagsvísendastofnunar um viðhorf Íslendinga til þessara mála er nauðsynlegt að stórauka fræðslu stjórnvalda á því sem um er að ræða og hvaða áhrif innganga í EB hefði í för með sér. Til dæmis er ástæða til að benda á það í sambandi við frjálst flæði fjármagns, sem

Veist þú....

að eftir sveitarstjórnarkosningar 1978 voru konur 6,2% kjörinna fulltrúa, en eftir kosningarnar 1982 voru konur 12,4% kjörinna fulltrúa en þá buðu Kvennaframboðin fram á Akureyri og í Reykjavík, nú eru konur 19,1% fulltrúa í sveitarstjórnum á Íslandi,

að í sveitarstjórnarkosningunum 1986, voru 3853 einstaklingar á framboðslistum þar af 1374 konur eða 36%, þá náðu 16% kvenframbjóðenda kjöri og 25% karlframbjóðenda,

að 43% kvenna í sveitarstjórnum ætla ekki að gefa kost á sér til framboðs í vor,

að fyrir Alþingiskosningarnar 1983 voru konur 5% alþingismanna, þær voru 3 af 60, eftir kosningarnar hafði þeim fjölgæð í 9 og var hlutfall kvenna á Alþingi þá orðið 15%. Þá átti Kvennalistinn þrjár þingkonur,

að nú sitja 14 konur á Alþingi þar af 6 frá Kvennalistanum, hlutfall kvenna á Alþingi er nú 22,2% en á hinum Norðurlöndunum er það 30 - 38%

að á framboðslistum í Alþingiskosningum 1983 voru frambjóðendur 556 þar af 361 karl og 195 konur eða 35%, en á framboðslistum í Alþingiskosningunum 1987 voru frambjóðendur 958 þar af 521 karl og 437 konur eða 46%,



Fréttaritarar óskast



Á landsfundinum var samþykkt að setja inní starfsreglur að starfeskona skuli sjá um útgáfu fréttabréfs, þetta er í samræmi við það sem verið hefur. En því var bætt inní starfsreglurnar að fréttaritarar skuli vera starfandi í hverjum anga, sem sjái um að koma fréttum frá hverjum anga í fréttabréfið. Þetta er hin besta hugmynd og auglýsi ég hér með eftir fréttariturum úr öngunum. Vinsamlegast látið mig vita sem fyrst.



Skilafrestur efnis í fréttabréfið er 10. hvers mánaðar



Nú er ætlunin að reyna að koma fréttabréfinu út reglulega einu sinni í mánuði, en til þess að það takist þurfum við að fá efni frá ykkur kærur konur. Þó að við fáum fréttaritara í hvern anga er ekki þar með sagt að þið hinar eigið að hætta að skrifa. Fréttabréfið er einmitt kjörinn vettvangur til að koma skoðunum sínum á framfæri, gæðið það lífi og skrifid eða hringið og við sjáum um að koma efninu á framfæri.

Skilafrestur efnis í fréttabréfið er 10.hvers mánaðar og þið getið sent það til undirritaðar á Laugveg 17 eða hringt í s.91-13725 eða 91-11560.

Sigrún Jónsdóttir

**Kvenna
ráðgjöf**
SÍMI 91-21500

Ókeypis félags- og lögfræðileið-
ráðgjöf týrir konur.
Opni þriðjudagskvöld kl. 20.00-22.00
fimmtudaga 13.30-15.30 og 20.00-22.00



margir virðast telja til kosta, að reynslan er sú, að fjármagnið flæðir frá jaðarsvæðunum inn að miðju. Þá er enn afar margt óljóst t.d. varðandi umhverfismál og margvísleg félagsleg réttindi, sem eru mjög mismunandi milli landa.

Í umræðum um sjávarútvegsmál var ljóst, að Kvennalistakonur hafna framkomnum drögum að frumvarpi um stjórnun fiskveiða. Að okkar mati er þar aðeins um að ræða hertan ramma nágildandi kerfis og sáralítið tillit tekið til þeirra tillagna sem Kvennalistinn hefur lagt fram. Miklar umræður urðu um nauðsyn þess að taka ekki síður tillit til vinnslu en veiða, m.a. með takmörkum á útflutningi gámafisks, bæta nýtingu hráefnis, hafa gæðasjónarmið í hávegum, auka rannsóknir og efla mengunarvarnir. Þá kom fram hörð andstaða gegn áformum um endurvinnslu kjarnorkuúrgangs í Skotlandi.

Miklar umræður urðu um versnandi stöðu kvenna á íslenskum vinnumarkaði, sem fyrst og fremst má rekja til veikrar stöðu verkalyðshreyfingarinnar og sífelldra afskipta stjórnvalda af gerðum samningum. Afleiðingarnar hafa orðið mikið launaskrið, sem riðlað hefur öðru taxtakerfi. Þá hefur skrifstofutækni, ásamt markaðsetningu launanna orðið til þess að konur gegna nú enn frekar en ádur láglauastörfum. Kannanir sýna, að konur hafa alls staðar hlutfallslega lægri laun en karlar. Næst körlunum komast þær í fiskvinnslunni, þar sem hinn ómanneskjulegi bónus keyrir fólkvið áfram. Til þess að rétta hlut kvenna á íslenskum vinnumarkaði er óhjákvæmilegt að konur taki málin enn frekar í sínar hendur og vísast um það efni til ályktunar landsfundarins.

Atvinnumál kvenna tóku mikið rúm á landsfundi Kvennalistans. Kvennalistakonur á Akureyri höfðu unnið að upplýsingasöfnun og rætt tillögur til úrbóta. Niðurstöður starfshópsins eru þær, að konur ráða alltof litlu um stefnu og þróun í atvinnumálum. Konur koma inn á


vinnumarkaðinn á allt öðrum forsendum en karlar. Þeim er þó ætlað að lúta sömu lögmálum og leikreglum og körlum sem hafa ákveðið allt eftir sínu höfði og þörfum, en það er í rauninni líkt og að api segi fiski að þeir skuli klifra upp í tré á jafnréttisgrundvelli. Það er algjör nauðsyn að konur líti á sig sem sérstakan hóp en ekki "líka menn", þær þurfa sérstakar kennsluaðferðir, ívílnanir og tímabundin forréttindi. Með tilliti til þessa og enn fremur til veikrar stöðu kvenna á landsbyggðinni var samþykkt tillaga um stofnun sérstakrar Kvennadeildar innan Byggðastofnunar.

Af fjölmögum öðrum málum, sem rædd voru á landsfundinum, má nefna kjör fulltrúa í bankaráð, sem vöktu mikla forvitni fjölmöglu. Konur urðu sammála um það, að mikil þörf væri fyrir sjónarmið og áhrif kvenna, þar sem lagðar eru línum í peningamálum og því rétt að Kvennalistakonur tækju þátt í kjöri fulltrúa í bankaráð.

Loks má nefna mikla og frjóa umræðu um stöðu og kjör kvenna í þjóðfélaginu, en um það fjallar meginályktun fundarins.

Athugið

Í næsta tölublaði Veru sem kemur út í desember verða birtir kaflar úr nokkrum ræðum sem fluttar voru á landsfundinum.



Boð til Kanada

Nú liggur fyrir meiriháttar boð til Kanada. Guðný Guðmundsdóttir Kvennalistakona úr Reykjanesanga er nýkominn úr ferð þaðan. (Meira um það í næsta fréttabréfi.) Í fórum sínum hafði hún boð frá kvennasamtökum sem kalla sig F.R.A.P.P.E (Women for Access to Political and Economic Power). Þessi samtök voru stofnuð 1985 og hafa síðan reynt með öllum hugsanlegum aðferðum að styðja konur til að komast í aðstöðu til að vera þátttakendur þar sem ráðum er ráðið á öllum sviðum þjóðfélagsins. F.R.A.P.P.E er nú að skipuleggja fyrstu alþjóðlegu ráðstefnuna sína sem þær nefna "Konur og hinar mörgu víddir valdsins" (Women and the Many Dimensions of Power). Ráðstefnan verður haldin í Montreal í Kanada 3. - 8.júní á næsta ári. Þær bjóða Kvennalistakonu að koma og halda ræðu (15. míán.) um konur og stjórmál og taka svo þátt í 95 mín. umræðum ásamt öðrum ræðukonum í panel á eftir. Okkar kona mun einnig stjórna umræðuhópi (workshop) á því sviði sem henni hentar, og taka þátt í hádegisverðarfundum. Til þessarrar ráðstefnu er boðið mörgum helstu kvenfrelsiskonum, rithöfundum, stjórnálakonum í heiminum, má þar nefna Marilyn French, Han Suyin, Geraldine Ferraro, Jane Fonda, Rosalie Bertell og Margarita Papandreou. Gert er ráð fyrir mikilli þáttöku jafnvél milli eitt til tvö þúsund. Einstakt tækifæri, en verið fljótar að hugsa, þeim liggur á að fá að vita hver kemur. Umsóknarfrestur rennur því út 29. nóvember. Nánari upplýsingar hjá undirritaðri á skrifstofu Kvennalistans í s. 91-13725.

Imba



1986 voru konur 19,1% kjörinna fulltrúa. Svipuð þróun hefur orðið á Alþingi. Eftir kosningarnar 1983 fjölgæði konum á Alþingi úr þrem í níu eða 200%, en þá fékk Kvennalistinn þrjár konur kosnar. Hlutfall kvenna á Alþingi hækkaði þá úr 5 - 15%. Nú sitja hins vegar fjórtán konur á Alþingi, þar af sex frá Kvennalista. Hlutfall kvenna á Alþingi nú er 22,2%.

Það vakna ýmsar spurningar við lestar bæklingsins "Nú er lag", þar sem algjörlega er gengið framhjá framangreindum staðreyndum. Til hvers að bjóða karlveldinu byrginn og senda tugi kvenna inn í stjórnkerfið á forsendum kvenna þegar konur láta svo eins og þetta hafi ekki átt sér stað? Til hvers eru konur hvarvetna að berjast fyrir því að gera konur og verk þeirra sýnileg þegar konur taka svo þátt í því að gera þetta ósýnilegt aftur? Hvað er orðið um allt okkar starf? Á að endurtaka þögnina í sögubókunum sem ríkti um kvennaframboðin fyrr á öldinni ?

Við óskum eftir að Jafnréttisráð fjalli um efni þessa bréfs og taki afstöðu til þess hvernig sé hægt að leiðréttu þessi mistök.

f.h. framkvæmdaráðs Kvennalistans

Sigrún Jónsdóttir



Fræðslufundur Samtaka um Kvennaathvarf

Við minnum á fræðslufund fræðslu og kynningarhóps Samtaka um Kvennaathvarf, en síðasti fundurinn í fundaröð þeirra verður 5. desember í Gerðubergi og hefst hann kl. 20.00. Umræðuefnin verður nauðgunarmál.

Starfskonur



Lítil saga um ferðalag á fund,
skal færð í letur eina skamma stund.
Rifjað upp sem rann mér þar í hug
sú reynsla hefur fært mér nýjan dug.



Að eiga heima við norðanvert Ísafjarðardjúp, kunna ekki á bíl, komið að mánaðarmótum okt., nóv. og allra veðra von en langa á landsfund Kvennalistans í Ölfusi var undanfari míns ferðalags og því óþægilega mörg ljón á veginum. Að fara til Ísafjarðar og fljúga suður kom ekki til mála. Þá var þetta orðið vikuferðalag. Hólmavík var möguleiki þó þangað sé fram og til baka 140 km. og fyrir Steingrímsfjarðarheiði að fara. Halla á Svanshóli í Bjarnarfirði bauð mér með sér en ferðir til Hólmavíkur brugðust og ég var eiginlega búin að sætta mig við orðinn hlut - ég á nú einu sinni heima hér - þegar tengdasonur minn, búsettur í Reykjavík frétti af þessu, sagðist koma og sækja mig á fimmtudagskvöld. Þetta varð nú raunar næturferð. Við komum kl. 6 á föstudagsmorgun, rúmlega 6 tíma keyrsla. Norðan frá Djúpi voru auðir vegir og því urðum við forviða þegar skipti um við Kollafjörð. Þar var alhvít jörð og jókst eftir því sem nær dró Reykjavík. Þar var 10 cm jafnfallinn snjór og augljóst að bílstjórar gaettu lent í erfiðleikum þegar dagaði.

Það er fallegt að koma í Tíðaskarð að kvöld eða næturlagi og sjá óslitna ljósadýrð frá fjallsrótum út á Seltjarnarnes. Minnir helst á gimsteina og dýrgripasafn úr 1001 nött lagt á svart flauel. En veruleikinn er annar, og betra væri fyrir land og lýð að eithvað af þessum ljósum væru kveikt í gluggum eyðibýlanna sem svo alltof víða eru og fer sífellt fjölgandi.

Eftir þriggja tíma svefn fór ég á kreik - heimsótti hárgreiðslustofu - til að hressa upp á últitið og síðan með rútu kl. 1 áleiðis í Ölfusborgir. Það var glampandi sól og alhvít jörð í nágrenni Reykjavíkur. Ég hafði aldrei komið austur fyrir Hellisheiði nema í myrkri eða snjókomu svo þetta var nýtt

ferðalag fyrir mig. Eins og Páll H. Jónsson frá Laugum segir:

Ég veit bara eina átt,
áttina heim og norður.

Þá hafa mínar leiðir legið norður í Þingeyjarsýslu. Til Reykjavíkur og suður hef ég ekki átt nein erindi fyrr en dóttir mín settist þar að. Það var fallegt að koma á Kambabréða og sjá yfir Hveragerði, Vestmannaeyjar svífandi við hafsbrún og láglendi Ölfusins breiða úr sér um óravegu.

Við vorum nokkrar í rútunni sem ætluðum í Ölfusborgir og stigum þar út en það kom í ljós að þar var enginn fundur, heldur allfjarri í svonefndum Bás en úr þessu rættist og kl.3 setti Ingibjörg Hafstað sjóunda landsfund Kvennalistans í hlýlegum og sérstæðum fundarsal og öll fyrirgreiðsla húsráðenda var með miklum ágætum.

Þetta var í fyrsta sinn sem ég kom á landsfund Kvennalistans og hafði því engan samanburð en þessir tveir dagar voru fljótir að líða. Þarna tók hver ræðukonan af annarri við og fyrirspurnir og svör gengu svo greitt fyrir sig að aldrei varð hlé á.

Þegar ég lít til baka þá er mér efst í huga ánægja og stolt fyrir konunum sem komu þarna fram og ræddu mörg þau mál sem karlmenn hafa talið sig hafa einkarétt og einkayit á. En þarna var líka sá andi og alúð er eikenndi allan málflutning, laust við glósur og skeytti sem maður hefur oft heyrt á fundum.

Á föstudag voru m.a. erindi um: reynsluheim kvenna í hagkerfi karlmannsins, jafnréttismál, atvinnumöguleika kvenna, fiskveiðar, dagvistarmál og svo afar skilmerkilegt erindi og útskýringar Kristínar Einarsdóttur um EFTA og EB en þátttaka okkar Íslendinga gæti orðið endalok okkar sem sjálfstæðrar þjóðar. Stjórnmmálamenn okkar ættu að rifja upp kvæðið, Bréf til vinar míns, eftir Guðmund Friðjónsson á Sandi þar sem hann segir:

til sérframboð kvenna bæði í sveitarstjórnnum og á Alþingi.

Samkvæmt textanum á baksíðu bæklingsins virðist hann eingöngu ætlaður hinum karlstýrðu stjórnmmálaflokkum, en þar segir: "Markmiðið með útgáfu þessa heftis er að vekja athygli á þeiri staðreynd að hlutur kvenna í hópi kjörinna fulltrúa stjórnmmálasamtaka er fyrir borð borinn og benda bæði forystu flokkanna og konum innan þeirra vélbanda á leiðir sem geta leitt til meiri jöfnuðar." Engu að síður má gera ráð fyrir að bæklingurinn muni berast víðar og hafi víðtækari skírskotun en bara til flokkspólítískra kvenna. Hann ætti að geta orðið fleiri konum hvatning til dáða t.d. þeim sem starfa innan verkályðsfélaga eða hinum sem eru einfaldlega áhugasamir floksleysingjar. Og þá komum við kannski að alvarlegasta galla þessa heftis. Sérframboð kvenna eru sniðgengin sem leið í baráttu kvenna fyrir aukinni hlutdeild í kjörnum stofnunum samfélagsins.

Í bæklingnum er spurt stórum stöfum: "Hvað hefur verið gert?" Og svarið er "Á síðstu árum hafa íslensk stjórnmmálasamtök farið ýmsar leiðir til að auka hlut kvenna innan sinna vélbanda. Það voru konurnar sjálfar sem þrýstu á um aðgerðir. "Síðan er sagt frá tveimur leiðum, kynjakvóta og virkum kvennasamtökum innan flokkanna. Þriðja leiðin sem konur hafa farið þ.e. að stofna sín eigin stjórnmmálasamtök telst þarna ekki til þess sem gert hefur verið. Þó nýtur hún stuðnings a.m.k. 10 - 15% þjóðarinnar.

En það er líka spurt: "Hvað geta konurnar gert?" Svarið við þeirri spurningu er jafn þögult um sérframboðin og hið fyrra. Er þetta enn ótrúlegra en ella í ljósi þess að aldrei hefur hlutur kvenna í sveitarstjórnnum og á Alþingi aukist jafn hratt og eftir tilkomu Kvennaframboðs og Kvennalista. Eftir sveitarstjórnarkosningarnar 1978 voru konur 6,2% kjörinna fulltrúa en eftir sveitarstjórnarkosningarnar 1982 þegar Kvennaframboðin buðu fram á Akureyri og í Reykjavík tvöfaltaðist hlutur kvenna í sveitarstjórnnum varð 12,4%. Eftir sveitarstjórnarkosningarnar

Mótmæli vegna bæklings

Jafnréttisráðs, "Nú er lag"

Í haust gaf Jafnréttisráð út bækling sem nefnist "Nú er lag !" og undirtitill hans er "fleiri konur í sveitarstjórnir fleiri konur á þing ábendingar um leiðir sem geta leitt til meiri jöfnuðar". Það er skemmt frá því að segja að þegar þessi bæklingur barst í hendur okkar Kvennalistakvenna varð okkur um og ó svo ekki sé meira sagt. Í honum er ekki minnst einu orði á þá staðreynd að hér á landi sé til Kvennaliði eða að ein leið til að fjölgla konum í sveitarstjórnnum og á þingi sé einfaldlega að stofna kvennalista. Okkur fannst ekki hjá því komist að koma mótmælum okkar á framfæri við Jafnréttisráð og félagsmálaráðherra og sendum þeim því eftirfarandi bréf. Fjölmöldum var einnig sent afrit af bréfinu.

Reykjavík 25.október 1989

Jafnréttisráð
Laugavegi 118D
105 Reykjavík

Tilefni þessa bréfs er bæklingur sem barst á skrifstofu Kvennalistans, Laugavegi 17 nýlega. Heiti bæklingsins er "Nú er lag!" og undirtitill er "fleiri konur í sveitarstjórnir fleiri konur á þing ábendingar um leiðir sem geta leitt til meiri jöfnuðar" Útgefandi er Jafnréttisráð og höfundur texta er Stefanía Traustadóttir.

Við Kvennalistakonur viljum hér með gera athugasemdir við nokkur atriði í umræddum bæklingi og mótmæla þv í að Jafnréttisráð skuli láta frá sér rit sem þetta þar sem algerlega er sneitt hjá þeirri staðreynd að hér á landi eru

-en hver á að signa þína móður,
þegar hennar sonur og sjóður,
sokknir eru í þjóðarhafið ?

Við sem komum að vestan áttum góða nótt í húsi nr.29 í Ölfusborgum. Við Arna Skúladóttir frá Suðureyri og Margrét Sverrisdóttir frá Örlygshöfn sem vorum saman á lista í seinstu kosningum sáumst nú í fyrsta sinn eða ég þær.

Laugardagurinn var drungalegri, hvað veður snerti. Lægðin hafði siglt upp að landinu og sendi þetta skúri á undan sér. Á fundinum var samt líf og fjör og nú voru það reynslusögur kvenna sem starfað hafa að bæjar og sveitarstjórnarmálum sem komu fram. Eins og maður vissi raunar fyrir þá er það staðreynd að í flestum tilvikum bætast opinber störf kvenna ofan á það sem fyrir er; heimilisstörf, barnauppeldi og vinnu utan heimilis. Það er hægt að bíta á jaxlinn og gera þetta eitt kjörtímabil en 43% þeirra kvenna sem hafa tekið þátt í sveitarstjórnarmálum ætla ekki að gefa kost á sér aftur samkvæmt könnun Jafnréttisráðs. Allar voru þó sammála um að konur ættu fullt erindi í sveitarstjórnir og vonandi sér meirihlutinn af þessum 43% sig um hönd. Hitt væri stórt skref aftur á bak. Um miðjan daginn var skipað í umræðuhópa og um kvöldið var veisla og kvöldvaka fram yfir miðnætti.

Á sunnudagsmorgni var það málefni rætt sem blaðamenn höfðu mestan áhuga á. Hvort Kvennalistinn skipti um skoðun viðvíkjandi setu í bankaráði !!! Peningar eru vandmeðfarnir en svo mikið fer af þeim í gegnum hendur kvenna að okkur ætta að vera óhætt að setjast í bankaráð og reyna að hafa okkar áhrif þar eins og annars staðar.


Við Halla fórum af fundinum á hádegi og kl.4 ókum við áleiðis vestur. Það var suðaustan rok í Kollafirði og hvítur snjór og áfram hélst hvassviðrið upp í Borgarfjörð. En okkur skilaði vel áfram og til Hólmavíkur komum við klukkan hálf níu. Nágranni minn sótti mig þangað og Halla hélt áfram

út í Bjarnarfjörð. Við vorum komnar heim, tvær húsfreyjur í jaðarbyggðum sem eiga nú hvað harðast í vök að verjast. Hversdagsstörfin biðu og þrátt fyrir allt eru það þau sem tilvera og afkoma þjóðfélagsins byggist á. Það skulum við muna.

Ég sendi kærar kveðjur til allra er stóðu að, og tóku þátt í sjöunda landsfundi Kvennalistans 1989 og má ég ekki gleyma karlmönnunum tveimur sem með ellefuhundruð kílómetra akstri gerðu mér mögulegt að koma þarna, auk 400 km. sem ég sat í bíl með Höllu og Guðbjörgu. Að lokum er hér smáerindi um stefnumið Kvennalistans.

Að rétta til hendi, þar sem þörf er á
um þakkir lítið skeyta, en reyna marki að ná
stöðugt hærra og hærra og ganga götu beint.
Glapstigana varast og sýna merkið hreint.

Ása Ketilsdóttir
Laugalandi í Skjalfannadal
Norður-Ísafjarðarsýslu



Óábyrgni er hún felldi tillögu um hækjun vaxta í Byggingarsjóði ríkisins. Hlutverk stjórnarinnar er vissulega að gæta hagsmunu byggingarsjóðanna en ekki síður að gæta hagsmunu almennings í landinu.

Það er mikill ábyrgðarhlutur að hækka vexti um rúmlega þriðjung af lánum til: Byggingar leiguðbúða eða heimila fyrir aldraða, dagvistarstofnana fyrir börn og aldraða og sérhannaðra íbúða fyrrit sextíu ára og eldri. Enn meiri ábyrgðarhlutur er að hækka vexti um hundrað prósent af lánum til útrýmingar heilsuspíllandi húsnæðis og lánum til einstaklinga með sérþarfir eins og tillagan sem meiri hluti stjórnarinnar felldi gerði m.a. ráð fyrir.

Einnig vil ég taka fram vegna umræðna í kjölfar þessarar samþykktar að það eru engin ný sannindi að sjóðurinn stefni í gjaldþrot vegna mismunar á vöxtum á veittum og teknum lánum. Framlag ríkisins til byggingarsjóðanna lækkar á næsta ári um einn milljarð að krónutölu skv. frumvarpi til fjárlaga. Ekki bendir það til þess að ríkisstjórnin hafi nokkrar áhyggjur af gjaldþroti þeirra.

Kristín Jónsdóttir

Í framhaldi af þessu hefur Danfríður Skarphéðinsdóttir lagt fram svohljóðandi fyrirspurn á Alþingi til fjármálaráðherra: "Hvers vegna var ekki farið að fyrirmælum meirihluta fjárhags- og viðskiptanefndar Neðri deildar um að vísa frumvarpi um vaxtabætur til milliþinganefndar um húsbréfamál með þeim sérstöku tilmælum að taka til umfjöllunar ákvæði um tekju- og eignaviðmiðun við ákvörðun vaxtabóta. Sbr. nefndarálit á þskj. 1033 á 111.löggjafarþingi ?"

ákvörðun vaxtabóta." Undirrituð situr í milliþinganefnd. Þar hefur þetta ákvæði aldrei verið tekið til umfjöllunar og ekki verið boðað til fundar um málið þótt stutt sé í að lög um húsbréfakerfið taki gildi. Meðan endurskoðun hefur ekki farið fram tel ég ekki forsvaranlegt að hækka vexti af lánum í B.R.

Í vaxtabótalögnum segir m.a. að vaxtabætur skulu skerðast í hlutfalli við eignarskattsstofn framteljanda. Þetta viðmiðunarþak er allt of lágt auk þess sem foreldri með barna á framfæri og einstaklingum er stórlæg mismunað borið saman við hjón. Eignarskattsstofn einstaklings eða foreldris með barn má aðeins vera 1.700 þús. Eftir það skerðast vaxtabæturnar um 6% við hverjar 100 þús. umfram þá tölu. Eignaskattsstofn hjóna má vera 3.4 millj. áður en skerðing byrjar að og þá skerðast þær helmingi minna eða um 3% við hverjar 100 þús. krónur.

Einnig vil ég ítreka að þar sem vitað var að vextir í húsbréfakerfinu yrðu hærrí en vextir af lánum úr Byggingarsjóði ríkisins setti Kvennalistinn m.a. eftifarandi skilyrði fyrir stuðningi fyrir húsbréfakerfið.

1. Að á árinu 1990 verði 500 millj. kr. raunaukning á framlögum til félagslega íbúðakerfisins. Efndirmar eru þær að framlag ríkissjóðs í Byggingarsjóð verkamanna skv. frumvarpi til fjárlaga lækkar um 100 millj. á næsta ári.
2. Að "...á árinu 1989 verði 100 millj. kr. raunaukning á framlögum auk þess sem felst í bréfi ríkisstjórnarinnar til Alþýðusambandsins í tengslum við kjarasamninga 1. maí 1989." Í endurskoðaðri áætlun á frumvarpi til fjárlaga fyrir árið 1989 er ríkisframlagið til Byggingarsjóðs verkamanna óbreytt.

Ég vísa á bug öllum fullyrðingum um að húsnæðismálstjórn hafi sýnt

Ályktanir frá landsfund Kvennalistans 1989

Kvennadeild í Byggðastofnun

Landsfundur Kvennalistans leggur til að innan Byggðastofnunar verði komið á fót sérstakri stofnun deild, sem fjalli um málefni, líf og störf kvenna, Kvennadeild. Þar starfi eingöngu konur með reynslu af jafnréttisstarfi og kvennaráðgjöf, sem veiti stallsystrum sínum um land allt góð og gild ráð og sjái þeim fyrir upplýsingum og fræðslu eftir þörfum.

Í lögum skal binda, að á næstu 10 árum verði a.m.k. 20% af árlegu framlagi ríkisins til Byggðasjóðs varið eingöngu til Kvennadeildarinnar, til atvinnusköpunar fyrir konur og til námskeiðahalds og handleiðslu fyrir þær.

Til að undirstrika að hér er um byggðapróunarverkefni að ræða, er enn fremur lagt til, að umrædd Kvennadeild Byggðastofnunar, verði sjálfstæð eining, staðsett við útibú Byggðastofnunar á Akureyri.

Gegn endurvinnslustöð í Dounreay

Kvennalistinn mótmælir harðlega áformum um endurvinnslu kjarnorkuúrgangs í Dounreay í Skotlandi. Slík endurvinnslustöð yrði geigvænleg ógnun við lífríki sjávar, eina af mikilvægustu auðlindum Íslendinga.

Kvennalistinn leggur til, að Íslendingar ihugi að hætta algjörlega allri fisksölu til Bretlands þar til fullvist er, að fallið hafi verið frá öllum áformum um endurvinnslu kjarnorkuúrgangs í Skotlandi.

Áhersluatriði í sjálfstæðisbaráttu kvenna

Veruleiki íslenskra kvenna er sá að því fer viðsfjarri að þær njóti raunverulegs sjálfstæðis og geti hagað lífi sínu og störfum í samræmi við eigin óskir og hæfileika. Íslensk löggið gerir ráð fyrir jafnri stöðu og jöfnum rétti kvenna og karla. Íslendingar eru einnig aðilar að alþjóðasamningi um afnám allrar mismununar gagnvart konum. Frelsi kvenna eru hins vegar takmörk sett af ríkjandi hugarfari, sem tekur sjálfstæði karla fram yfir sjálfstæði kvenna. Þess vegna leggur Kvennalistinn áherslu á, að:

KONUR VERÐI FJÁRHAGSLEGA SJÁLFSTÆÐAR

Til þess þarf:

- * gagngera uppstokkun á launakerfi þjóðfélagsins út frá nýju mati á verðgildi starfanna,
- * dagvinnulaun, sem a.m.k. duga þeim til framfærslu,
- * endurskoðun skattalaganna til hagsbóta fyrir konur,
- * afnám þess að konur beri gjöld af öðrum tekjum og eignum en þær eru skráðar fyrir.

FÉLAGSLEGT SJÁLFSTÆÐI KVENNA VERÐI AÐ VERULEIKA

Til þess þarf:

- * styttri og sveigjanlegri vinnutíma m.a. til þess að foreldrar geti rækt skyldur sínar og notið samvista við börn sín,
- * endurskoðun atvinnulífsins útfrá sjónarmiðum kvenna og með hagsmuni kvenna í huga,
- * sjálfstæð lífeyrisréttindi allra kvenna.

MÓÐURHLUTVERKIÐ VERÐI VIRT

Til þess þarf:

- * full laun í fæðingarorlofi fyrir konur á vinnumarkaði og fullar viðmiðunargreiðslur fyrir heimavinnandi konur,
- * tryggingu þess, að umönnun barns sé ekki undirrót misréttis, konum sé gert kleift að annast börn sín og það skerði á engan hátt atvinnuréttindi og möguleika kvenna í starfi,

Kvennalistinn á móti hækjun vaxta Byggingarsjóðs ríkisins

Eins og margar ykkar hafa efalaust tekið eftir olli það nokkru fjaðrafoki, þegar meiri hluti Húsnæðismálastjórnar felldi tillögu um hækjun vaxta í Byggingarsjóði ríkisins. Heyrst hefur jafnvel sú skoðun, að með afstöðu fulltrúa Kvennalistans í því máli hafi verið rofið það samkomulag, sem gert var í tengslum við afgreiðslu húsbréfamálsins á Alþingi á sl. vori. Eftirfarandi bókun, sem Kristín Jónsdóttir lagði fram á fundi í Húsnæðismálastjórn skýrir málið:

Reykjavík 09.11.1989

BÓKUN

Að gefnu tilefni vegna umræðna sem fylgdu í kjölfarið á samþykkt húsnæðismálastjórnar þann 02.11.1989 um að vextir af lánum hjá Byggingarsjóði ríkisins verði ekki hækkaðir að svo stöddu vil ég taka fram eftirfarandi.

Í tengslum við frumvarp til laga um húsbréf var lagt fram frumvarp um vaxtabætur. Tilgangur frumvarpsins var að styðja við bakið á hinum efnaminni við kaup á húsnæði og var ein meginforsenda þess að Kvennalistinn studdi húsbréfafrumvarpið. Kvennalistinn var mjög ósáttur við tekju- og eignaviðmiðun í vaxtabótafrumvarpinu eins og það lá fyrir þinginu í vor. Fulltrúi Kvennalistans í fjárhags- og viðskiptanefnd ákváð samt að styðja frumvarpið með þeim fyrirvara að milliþinganefnd yrði falið að athuga nánar ýmis atriði þess. Eða eins og segir í nefndarálti meiri hluta fjárhags- og viðskiptanefndar: "Meiri hl. þykir einboðið að vísa frumvarpinu um vaxtabætur...til...milliþinganefndar og óskar eftir því að hún taki sérstaklega til umfjöllunar ákvæði um tekju- og eignaviðmiðun við

Komdu í Laugardagskaffi Kvennalistans, Laugavegi 17



Laugardaginn **18.nóvember** verður fyrsta

Laugardagskaffi Kvennalistans, Laugavegi 17. Við byrjum kl.11.00 og verðum eins lengi og einhver vill ræða málin. Umræðuefnið verður víðfemt nefnilega þingmál vetrarins.

Laugardaginn **25.nóvember** fáum við Hörð Bergmann í heimsókn og ætlar hann að ræða um hugmyndafræði Kvennalistans í ljósi umbúðaþjóðfélagsins. Það verður byrjað kl.11.00 að vanda.

Laugardaginn **2.desember** kemur Helga Thorberg og ræðir um Heimsbanka kvenna og Kennabanka á Íslandi. Við byrjum kl.11.00.

Það verður heitt á könnunni og heilsusamlegt meðlæti. Bjóddu vinkonunum með.

- * að byggja upp dagvistarkerfi þjóðarinnar og gera skólunum kleift að koma til móts við gjörbreyttar aðstæður foreldra og barna.

LÍKAMLEGT SJÁLFSTÆÐI KVENNA VERÐI VIRT

Til þess þarf:

- * harðari viðbrögð við nauðgunum og öðru ofbeldi gegn konum og börnum,
- * atlögu gegn vaxandi klámi í þjóðféluginu,
- * stóraukna fræðslu um kynlíf og getnaðarvarnir.

MENNINGARLEGT SJÁLFSTÆÐI KVENNA VERÐI VIÐURKENNT

Til þess þarf:

- * virðingu fyrir hefðbundnum störfum kvenna, reynslu þeirra og þekkingu,
- * viðurkenningu á reynslu og menningu kvenna sem stefnumótandi afli í þjóðféluginu,
- * aðstæður þar sem sköpunarþróttur kvenna fái óhindrað notið sín svo að menningararfleið kvenna geti sífellt orðið uppsprettu nýrrar sköpunar.

Þessi atriði telja Kvennalistakonur nú brýnust í sjálfstæðisbaráttu kvenna, baráttu fyrir fjárhagslegu, andlegu og menningarlegu frelsi kvenna.

Aukin samvinna kvenna


Á undanförnum árum hefur staða kvenna á vinnumarkaðnum farið versnandi og laun þeirra hafa dregist aftur úr launum karla. Ein af forsendum þess að raunhæfar leiðir finnist til að bæta kjör kvenna er aukin samvinna kvenna í verkalýðshreyfingunni og kvenna með þekkingu og reynslu í stjórmálum, hagfræði, sagnfræði, félagsfræði og mannfræði svo eitthvað sé nefnt. Í slíkri samvinnu felst að konur skoði, skilgreini og túlk

hagtölur, lög, reglugerðir og kjarasamninga í ljósi eigin hagsmunu og komi þeim upplýsingum á framfæri við konur.

Samþykkir landsfundurinn að fela framkvæmdaráði Kvennalistans að vinna að þessari hugmynd og kynna sér í því sambandi fjármögnunarmöguleika og þær karlastofnanir sem sinna þessu hlutverki fyrir ráðandi karla í samfélagini s.s. Verslunarráð Íslands.

Konur óskast

Framkvæmdaráð hefur þegar gert ráðstafanir til þess að fá upplýsingar um stofanir á borð við Verslunarráð Íslands og nú vantar konur til þess að vinna að þessu spennandi verkefni og útfæra það nánar. Þær sem hafa áhuga hafi samband við skrifstofuna sem allra fyrst svo hægt verði að byrja því ekki er ráð nema í tíma sé tekið.



Það voru gerðar nokkrar breytingar á lögum og starfsreglum Kvennalistans á landsfundinum og munum við kynna þær nánar síðar. En ein breyting var gerð varðandi undirbúnung landsfundar sem rétt er að kynna strax og það var að á landsfundi verði þrjár konur kosnar í landsfundarnefnd. Við fórum strax að starfa eftir þessari nýju reglu en kusum reyndar aðeins tvær til að byrja með, þær Sigurborgu Daðadóttur, Akureyri og Gunnhildi Bragadóttur, Akureyri. Norðurland eystra mun síðan tilnefna þriðju konuna í nefndina. Þær taka því við af þeim Guðrúnu Sæmundsdóttur, Björk Gísladóttur, Helgu Sigrúnu og Imbu sem stóðu sig mjög vel og eiga þær þakkar skilið.

Sigrun

vatnsbóla og tillaga um nýja atvinnumöguleika á landsbyggðinni.

Fjölmargar fyrirspurnir

Þá eru það fyrirspurnirnar, þær eru; um undanþágu frá skólaskyldu og starfstíma grunnskóla, um kennara og leiðbeinendur í grunnskólum og framhaldsskólum, um lífeyrisréttindi heimavinnandi fólks, um dóma vegna fíkniefnasölu, um raforkuöflun og raforkukostnað vegna nýrrar álbraðslu í Straumsvík, um samninga um nýja álbraðslu í Straumsvík, um undirbúnung starfsleyfis fyrir nýtt álver í Straumsvík, um staðfestingu skipulags á Hvaleyrarholti, um greiðslur til framfærenda fatlaðra, um greiðslur fyrir umönnun fatlaðra barna í heimahúsum, samningaviðræður við EB og alþjóðlega friðarviku Sameinuðu þjóðanna 6.-12.nóvember.

Sigga Lilly á þingi í nóvember

Þórhildur situr á þingi Sameinuðu þjóðanna nú í nóvember og því tekur Sigríður Lilly Baldursdóttir sæti hennar á þingi í þrjár vikur. Sú regla var sett í fyrra að aðeins þingmenn gætu verið fulltrúar þingflokkanna á þingi Sameinuðu þjóðanna og því gátum við ekki leitað út fyrir þingflokkinn að þessu sinni. Hins vegar vakti það athygli okkar að fulltrúi Borgarflokkssins á þingi Sameinuðu þjóðanna hefur aldrei setið á Alþingi, þannig að það virðist sem þessi regla sé sveigjanleg eða hvað ?

Hvað finnst þér ?

Við viljum hvetja ykkur kæru Kvennalistakonur til að láta í ykkur heyra sem oftast. Hvað finnst ykkur um dagvistarmálin, skattamálin, sjávarútvegsmálin, fjárlögin o.sv.frv. Sláið á þráðinn eða komið á þingflokkssfund, ef þið getið. Þingflokkssfundir eru á mánudögum kl.17.00 - 19.00 og á miðvikudögum kl.16.00 - 18.00. Síminn á Alþingi er 91-11560.

Sigrún Jónsdóttir

Úr þingsöldum

Þá er Alþingi tekið til starfa og okkar konur búnar að leggja fram þó nokkur mál, sum eru endurflutt en önnur eru ný.

Málmfriður hefur endurflutt frumvarp um "umönnunarbætur". Nú er heimilt að greiða maka elli- og örorkulífeyrisþega makabætur sem eru allt að 80% af grunnlífeyri og tekjutryggingu ef sérstakar ástæður eru fyrir hendi. Lagt er til að þessi heimild verði rýmkuð þannig að greiða megi öðrum en maka þessar svokölluðu "umönnunarbætur". Hér getur verið um að ræða börn, tengdabörn, skyldmenni eða jafnvel vandalausa sem eru á sama heimili og sá sem umönnunarinnar nýtur. Þórður hefur einnig endurflutt tvö frumvörp frá fyrra þingi, annars vegar um Starfslaunajóð leikhúlistafólks og hins vegar um breytingu á lögum um grunnskóla sem felur það í sér að nemendum á grunnskólastigi verði gefinn kostur á að kynnast menningarstarfsemi af ýmsu tagi.

Pingsályktunartillögur

Fyrst skal nefna hér þingsályktunartillögu sem Kristín flytur hún er um endurskoðun á útreikningi þjóðhagsstærða. Tillagan er svohljóðandi: "Alþingi ályktar að fela ríkisstjórninni að láta endurskoða grundvöll fyrir útreikningi þjóðhagsstærða með tilliti til áhrifa framleiðslustarfsemi og annarra mannlegra athafna á umhverfi og náttúrulegar auðlindir." Í greinargerð með tillögunni segir "Hagfræðimælingar sem víðast hvar er beitt til að leggja mat á efnahagsþróun eru úreltar og ófullnægjandi, þar eð þær taka aðallega mið af skammtímahagsmunum, en sniðganga nýja sýn til umhverfismála."

Auk þess hafa þingkonurnar okkar endurflutt fjórar þingsályktunartillögur. Það eru; tillaga um heilsufarsbók sem Guðrún flytur, tillaga um réttindi og skyldur á vinnumarkaði sem Anna flytur, tillaga um skipulag til verndunar

Vísur af landsfundi

Það var ýmislegt fleira gert á landsfundí en að hlusta á erindi og vinna í hópum, á laugardagskvöldið var húllumhæ, við fengum góðan mat og síðan tók hvert skemmtiatriðið við af öðru. Það var heilmikið sungið og m.a. eftirfarandi vísur sem Magdalena Schram hafði sett saman

VÍSUR KVENPJÓÐAR

(Lag: Hvað er svo glatt...)

Það er svo margt sem mál er hér að ræða
og mikið ríður á það takist brátt
að ráða gátur feminiskra fræða
og finna leið sem fer í rétta átt.
Hér verður ekki lengur við það lifað
að launum rendar konur þessa lands
láti sér lík að híma útí horni
og heimti ekki hlutverk stjórnandans.

MINNI RÍKISSTJÓRNAR

(Lag: Táp og fjör og frískir menn...)

Táp og fjör og frískir menn
fara fyrir stjórnnum enn.
Þjóta þeir af fund' á fund
þegja ekki nokkra stund.

Skattur hér

Skattur þar

Skatta leggj' á alls staðar.
Sligar sléttan almúgann
sleitulausa innheimtan.

Fyrripartar og botnar

Undirbúningsnefndin hafði sett saman fjóra fyrriparta og áttu veislugestir að botna. Okkur tókst að fá nokkrar vísur og birtum við þær hér, sumar reyndar án allra heimilda.

Kænar eru konurnar
sem komnar er' að Básun
á vífum engar vomurnar
vopnin af körlum blásum.

Angar leita í Ölfusborgir
allra sveita þessa lands
súrar eru þeirra sorgir
senda þær til andskotans.

Ölfusborgir allra sveita
anga hjúfra að barmi sér
þangað er oss ljúft að leita
ég læt á morgun renn' af mér.

Svannar hafa sjöfundi
setið lands til þessa
ýmsir held ég þær ö-fundi.
Ætl' 'ann fari að hvessa ?

Kænar eru konurnar
sem komnar er' að Básun.
Syngjandi og sællegar
sitja þær að krásun.

Angar leita í Ölfusborgir
allra sveita þessa lands
af sér reyta auð og sorgir
aflsins neyta í kvennafans.

Svannar hafa sjöfundi
setið lands til þessa.
Engan þótt þær öfundi
aldrei karla blessa.

Komnar fram á Kamabrún
konur gripu andann.
Litu græn og grösug tún
gamla "þjóðarvandann".

vegar hefur fréttin um þetta Norræna græna ráð sennilega orðið til vegna þess að á fundinum var stungið uppá að fólkid sem þarna var saman komið kallaði sig "Norræna græna ráðið". Sama kvöld hringdi fréttamaður Ríkisútvárpsins í mig og bað mig að koma í viðtal í morgunútvarpíð næsta morgunn vegna fréttarinnar, það gerði ég og vonandi hef ég leiðrétt þennan misskilning að Kvennalistinn væri komin í samvinnu við Græningja, það eruir við að sjálfsögðu ekki.

Ragnhildur Eggerts dóttir



Kvennaráðstefna

Röskva, samtök félagshygjufólks í HÍ stendur fyrir ráðstefnu um málefni kvenna í Háskóla Íslands þann 18. nóvember. Þar mun fjallað um konur og fræðistörf í karlastofnun og margt fleira. Erindi flytja Guðný Guðbjörnsdóttir, Bryndís Brandsdóttir, Auður Styrkársdóttir og fleiri en endanleg dagskrá var ekki tilbúin þegar fréttabréfið fór í prentun. Fylgist því með auglýsingum þær sem áhuga hafa.

Á fundi hjá umhverfisflokknum í Gautaborg

Helgina 21. til 23 október sl. var haldinn fundur í Gautaborg um Norðurlöndin og Evrópubandalagið (EB). Víku fyrir þennan fund barst bréf frá fulltrúa Umhverfisfloksins í Norðurlandaráði þar sem hún bað um að Kvennalistakona kæmi á fundinn, en til hans boðaði hún fólk frá öllum Norðurlöndunum sem tilheyra ýmist friðarsamtökum eða umhverfisverndarsinnum. Ástæðan var sú að henni fannst hún ekki vita nóg um hvað Kvennalistanum, friðarsamtökum og græningjum á Norðurlöndum finnst um inngöngu eða aðild Norðurlandanna í EB. Þar sem ekki vannst tími til að auglýsa þessa ferð í fréttabréfinu varð það úr að undirrituð dreif sig til Gautaborgar (sjálfsörugg og viss um eigið ágæti til að standa í fundarhaldi í útlöndum að vanda).

Þetta er í þriðja sinn sem Kvennalistakona situr fund eða ráðstefnu hjá Umhverfisflokknum í Svíþjóð, reyndar hafa þeir beðið okkur margoft að koma en við ekki talið að það væri í okkar verkahring. Þar sem nú átti að fjalla um EB álitum við fróðlegt að fylgjast með hvað samtök á Norðurlöndum sem hafa umhverfisvernd og frið sem aðal áhersluátriði á sinni stefnuskrá hefðu um EB að segja. Niðurstaðan var í stuttu máli sú að mati þessara aðila að efla bæri norraðna samvinnu, krefjast kjarnorkulausra Norðurlanda, leggja áherslu á að efla frið í heiminum, leggja áherslu á jöfn og bætt kjör fólks og láta öryggi og vellíðan manneskjunnar vera í fyrirrúmi.

Þegar ég kom heim sagði maðurinn minn mér að Ríkisútvarpið hefði komið með þá frétt að Kvennalistinn væri kominn í samvinnu við Græningja og hefði myndað Norrænt grænt ráð. Þarna var nú um miskilning að ræða. Það sem þarna gerðist var allt ósköp óformlegt, hins

Svövupáttur og Guðrúnar

"Sessunauturnar" Guðrún Halldórsdóttir og Svava í Görðum settu saman eftirfarandi vísu í tilefni af frásögn veislustýrunnar Guðbjargar Þorvarðardóttur um hversu erfiðlega henni gekk að finna fundarstaðinn.

Í Hveragerði villt hún var
og vissi ekki neitt.
Hún vissi ekki hún væri hvar
og var það ósköp leitt.
Hún keyrði hér og keyrði þar.
Hvert gæti sílkt mann leitt
aftur á bak og alls staðar
öll var hún löðursveitt.

En þær stöllur ortu ekki bara um veislustjórann, ein sem var líka ofarlega á vinsældistanum hjá þeim fékk eftirfarandi vísu

Guðrún Agnars yndisleg
erindi sitt flytur.
Hún er frið og fönguleg
og feykilega vitur.

Næsta morgun hittust þær við árbít, þá setti Guðrún saman þessa vísu
Sástu er við Svava míni í Görðum
settumst upp á fákinn Pegasus ?
Í fótastokk við fagmannlega börðum
á flenniskeið með leirslettur og pus.

Svava var ekki sein til svara:

Í gærkvöld við botnuðum botna
og botna við höfum two.
Mjúka og myndarlega
í meira lagi svo.

Ljósmyndari:
Sigurborg
Gíslad.



Alvarlega þenkjandi konur á landsfundi Kvennalistans



Sjávarútvegshópurinn að störfum

Frá landsfundinum
27.- 29. október 1989
í Básnum, Ölfusi



Í kaffi í "hlöðunni"